

ARTICLES^{no. 15} 35

PARTICVLIERS EX-
TRAICTZ DES GENERAUX QUE LE
Roy à accordez à ceux de la Religion
pretendue reformée, lesquels sa Majesté
n'a voulu estre compris es esdicts gene-
raux, ne en l'Edict qui a esté fait & dressé
sur iceux, donné à Nantes au mois de
May, 1598.

ET NEANTMOINS ACCORDE' SA-
dicté Majesté qu'ils seront entierement accomplis, &
observez, tous ainsi que le contenu audit Edict: Et à
ces fins seront registrez en ses Cours de Parlement & ail-
leurs ou besoin sera, & toutes declarations & lettres
necessayres en seront expediees.

I.

L'Article sixiesme dudit Edict touchant la liberté de
conscience & permission à tous les sujets de sa Ma-
jesté de viure & demeurer en ce Royaume & pays de
son obeyssance, aura lieu: Et sera observé selon la forme
& teneur, mesmes pour les Ministres, Pedagogues, que
tous autres Professeurs & Maistres d'escolle, & gene-
ralement pour ceux qui sont & seront de ladicte Reli-
gion, soient regnicoles ou autres, en se comportant au
reste, selon qu'il est porté par ledict Edict.

II.

Ne pourront estre ceux de ladite Religion cōtraincts
de contribuer aux reparations & constructiōs des Egli-
ses, Chappelles, & Presbiteres, ny à l'achapt des orne-
mens sacerdotaux, luminaires, fontes de cloches, pain
benist, droit de Confrairie, louage de maison pour la
demeure des Prestres & Religieux, & autres choses sem-
blables, sinō qu'ils y fussent obligez par fondations, do-
nations ou autres dispositions faictes par eux ou leurs

auteurs & predecesseurs.

III.

Ne seront aussi contraincts de rendre & parer le deuant de leurs maisons aux iours des Festes ordonnees pour ce faire: Mais seulement souffrir qu'il soit tendu, & par l'autorité des officiers des lieux, sans que ceux de ladiſte Religion contribuënt aucune chose pour ce regard.

IIII.

Ne seront pareillement tenus ceux de ladiſte Religio de recevoir exhortations lors qu'ils seront malades ou prochains de la mort, soit par condamnation de iustice ou autrement, d'autres que de la mesme Religio. Et pourront estre visitez & consolez de leurs Ministres sans y estre troublez. Et quant à ceux qui seront condânez par iustice, lesdits Ministres les pourront pareillement visiter & consoler. Les visitans en la prison y pourront faire les prieres: Et hors ladiſte prison les assister & consoler sans faire priere en public, sinon és lieux ou ledict exercice public leur est permis par ledict Edict.

V.

Sera loisible à ceux de ladite Religion de faire ledict exercice public d'icelle à Pimpoul: Et pour Diepe au fauxbourg du Poulet: Et seront lesdits lieux de Pimpoul, & du Poulet, ordonnez pour lieux de Bailliages. Quant à Santerre sera ledit exercice continué comme est a present, saufa l'establir dans ladiſte ville, faisant apparoir par les habitans du consentement du Seigneur du lieu, à quoy leur sera pourueu par les Commissaires que sa Maieſté deputera pour l'exécution de l'Edict. Pouruoiront aussi lesdits Commissaires à ceux de ladite Religion des villes de Chaalons sur Marne, Vassy, & Vitry le François: En leur permettant ledict exercice dans lesdites villes ou fauxbourg d'icelles pendant la guerre, s'ils n'en peuuent iouyr en seureté és lieux ou ils le doiuent auoir par ledit Edict. Sera aussi ledict exercice libre & public reſtabli dans la ville de Montagnac au bas Languedoc.

VI.

Sur l'article faisant mention des Bailliages, à esté declare & accordé ce qui s'ensuit. Premièrement, que

37

pour l'establissement de l'exercice de ladiſte Religion³ es deux lieux accordez en chacun Bailliage, Seneschaufsee, & gouuernement, ceux de ladiſte Religion nommeront deux villes, es fauxbourgs desquelles ledict exercice sera establi par les cōmissaires que sa Maieſté deputera pour l'execution de l'edict. Et ou il ne seroit iugé a propos par eux, nommeront ceux de ladiſte Religio deux ou trois bourgs ou villages proches desdictes villes & pour chacune d'icelles, dont lesdicts Commissaires en choisiront l'vn : Et si par hostilité, contagion, ou autre legitime empeschement, il ne peut estre continué esdits lieux, leur en seront baillez d'autres pour le temps que durera ledit empeschement. Secondement qu'au gouuernement de Picardie ne sera pourueu que de deux villes, aux fauxbourgs desquelles ceux de ladite Religion pourront auoir l'exercice d'icelle pour tous les Bailliages, Seneschaufsees & gouuernemens qui en dependent. Et ou il ne seroit iugé a propos, de l'establi esdittes villes, leur seront baillez deux bourgs ou villages commodes. Tiercement, pour la grande estandue de la Seneschaufsee de Prouence & Bailliage de Viennois, sa Maieſté accorde en chacun desdits Bailliages & Seneschaufsees vn troisieme lieu, dont le choiſ & nomination se fera comme dessus pour y establir exercice de ladiſte Religion, outre les autres lieux ou il est desia establi.

VII.

Ce qui est accordé par ledit article pour l'exercice de ladite Religion ez Bailliages, aura lieu pour les terres qui appartiennent à la feuë Roine belle-mère de sa Maieſté, & pour le Bailliage du Beaujolois.

VIII.

Outre les deux lieux accordez pour l'exercice de laditte Religion par les articles particuliers de l'an mil cinq cens soixante dix-sept ez Iſles de Marennes & Oleron, leur en seront donnez deux autres à la commodité desdicts habitans, ſçauoir, vn pour toutes les Iſles de Marennes, & vn autre pour l'Iſle d'Oleron.

IX.

Les prouiſions octroyees par sa Maieſté pour l'exercice de ladite Religion en la ville de Mets, sortirōt leur

plain & entier effect.

X.

Sadite Maieſté veut & entend, que l'article vingſeptieſme de ſon Edit, touchant l'admiſſion de ceux de laditte Religion pretendue reformee aux offices & dignitez, ſoit obſerué & entretenu ſelon ſa forme & te-
neur, nonobſtant les Edicts & accords cy deuant faiſts pour la reduccion d'aucuns Princes, Seigneurs, Gentils-hommes, & villes Catholiques en ſon obeiſſance, leſquels n'auront lieu au preiudice de ceux de ladiſte Religion, qu'en ce qui regarde l'exercice d'icelle. Et ſera ledit exercice reglé ſelon & ainſi qu'il eſt porté par les articles qui ſ'enſuyuent, ſuiuant leſquels ſeront drefſees les inſtructions des Commiſſaires que ſa Maieſté deputera pour l'execution de ſon Edit, ſelon qu'il eſt porté par iceluy.

XI.

Suiuant l'Edit fait par ſa Maieſté pour la reduccion du Sieur Duc de Guiſe, l'exercice de la Religion reformee ne pourra eſtre faiſt ny eſtably dans les villes & faux-bourgs de Reims, Rocroy, ſainct Diſier, Guiſe, Ioinuille, Moncornet, & Ardannes.

XII.

Ne pourra auſſi eſtre faiſt ez autres lieux ez enuirs deſdites villes & places defendues par l'Edit de l'an mil cinq cens ſoixante & dix ſept.

XIII.

Et pour auter toute ambiguité qui pourroit naiſtre ſur le mot ez enuirs. Declare ſa Maieſté auoir enten-
du parler des lieux qui ſont dans la banlieue deſdites villes, eſquels lieux l'exercice de ladiſte Religion ne pourra eſtre eſtably, ſinon qu'il y fuſt permis par l'edit de ſoixante dix ſept.

XIIII.

Et d'autant que par iceluy l'exercice eſtoit permis generalement es ſiefs poſſedez par ceux de ladite Religion, ſans que ladite banlieue en fuſt exceptée. Declare ſadite Maieſté que là meſme permiſſion aura lieu, meſmes ez ſiefs qui ſeront dedans icelle tenus par ceux de laditte Religion, ainſi qu'il eſt porté par ſon Edit donné à Nantes.

Suiuant aussi l'Edit fait par la reduction du Sieur Marechal de la Chastre en chacun des Bailliages d'Orleans & Bourges, ne sera ordonné qu'un lieu de Bailliage pour l'exercice de ladite Religion, lequel neantmoins pourra estre continué ez lieux où il leur est permis de le continuer par ledit Edit de Nantes.

XVI.

La concession de prescher ez fiefs aura pareillement lieu dans lefdits Bailliages en la forme portee par ledit Edit de Nantes.

XVII.

Sera pareillement obserué l'Edit fait pour la reduction du Sieur Marechal de Bois-Dauphin: Et ne pourra ledit exercice estre fait ez villes, faux-bourgs, & places, amenees par luy au seruice de sa Maiesté. Et quant aux enuirs ou banlieue d'icelles, y sera l'Edit de l'an soixante & dix-sept obserué, mesmes ez maisons de fief, ainsi qu'il est porté par ledit Edit de Nantes.

XVIII.

Ne se fera aucun exercice de ladite Religion ez villes, faux-bourgs & chasteau de Morlais suiuant l'Edit fait sur la reduction de laditte ville: Et sera l'Edit de soixante dix-sept obserué au ressort d'icelle, mesmes pour les fiefs selon l'Edit de Nantes.

XIX.

En consequence de l'Edit pour la reduction de Quimpercorantin ne sera fait aucun exercice de laditte Religion en tout l'Euesché de Cornouaille.

XX.

Suiuant aussi l'Edit fait pour la reduction de Beauuais, l'exercice de ladite Religion ne pourra estre fait en laditte ville de Beauuais ny trois lieux à la ronde: Pourra neantmoins estre fait & estably au surplus de l'estendue de Bailliage aux lieux permis par l'Edit de soixante dix-sept, mesmes ez maisons de fiefs, ainsi qu'il est porté par l'edit de Nantes.

XXI.

Et d'autant que l'Edit fait pour la reduction du sieur Admiral de Vilers n'estoit que prouisionnel, & iusque à ce que par le Roy en eust esté autrement ordon-

né, sa Majesté veut & entend que nonobstant iceluy, son Edit de Nantes ait lieu pour les villes, & ressorts amenez en son obeissance par ledit Sieur Admiral, comme pour les autres lieux de son Royaume.

XXII.

En suite de l'Edit fait pour la reduction du sieur de Ioyeuse, l'exercice de laditte Religion ne pourra estre faite en la ville de Tholoze, fauxbourgs d'icelle, & quatre lieues à la ronde, ny plus pres que sont les villes de Villemur, Cerman, & Isle Jordan.

XXIII.

Ne pourra aussi estre permis ez villes Dallet, Fiac, Auriac & Montesquiou, a la charge toutesfois, que si ausdites villes aucuns de laditte religion faisoient instance d'auoir vn lieu pour l'exercice d'icelle: leur sera par les Commissaires que sa Majesté deputera pour l'executio de son Edit, ou par les Officiers des lieux, assigné pour chacune desdites villes lieu commode & de seur accez, qui ne sera esloigné desdites villes de plus d'une lieue.

XXIII.

Pourra ledit exercice estre estably selon & ainsi qu'il est porté par ledit Edit de Nantes au ressort de la Cour de Parlement de Tholoze, excepté toutesfois és Bailliages & Seneschaussées & leurs ressorts, dont le siege Presidial a esté ramené en l'obeissance du Roy par ledit Sieur Duc de Ioyeuse, auxquels l'Edit de soixante dix-sept aura lieu: Entend toutesfois sadite Maiesté que ledit exercice puisse estre continué és endroicts desdicts Bailliages & Seneschaussées ou il estoit du temps de ladite reduction: Et que la cession d'iceluy és maisons de fief ait lieu dans iceux Bailliages & Seneschaussées, selon qu'il est porté par ledit Edit de Nantes.

XXV.

L'Edit fait pour la reduction de la ville de Dijon sera obserué, & suiuant iceluy n'y aura autre exercice de religion que de la Catholique, Apostolique & Romaine en laditte ville & fauxbourgs d'icelle, ny quatre lieues à la ronde.

XXVI.

Sera pareillement obserué l'Edit fait pour la reduction du Sieur Duc de Mayenne, suiuant lequel ne

pourra l'exercice de ladite religion pretendue reformee estre fait ez villes de Chaalon, Seurre, & Soissons Bailliage dudit Chaalon, & deux lieues ez enuirs de Soissons durant le temps de six ans, à commencer au mois de Ianuier mil cinq cens quatre vingts seize passé lequel temps, y sera l'Edict de Nantes obserué comme aux autres endroicts de ce Royaume.

XXVII.

Sera permis à ceux de ladite religion de quelque qualité qu'ils soyent, d'habiter, aller & venir librement en la ville de Lion, & aux autres villes & places du gouvernement de Lyonnois : Nonobstant toutes defences faictes au contraire par les Syndiques & Escheuins de ladite ville de Lyon & confirmees par sa Majesté.

XXVIII.

Ne sera ordonné qu'un lieu de Bailliage pour l'exercice de ladicte religion en toute la Seneschaussee de Poitiers, outre ceux ou il est a present estably : Et quant aux siefs, sera suivi l'Edict de Nantes, sera aussi ledit exercice continué dans la ville de Chauigny.

XXIX.

Ne pourra ledit exercice estre estably dans les villes d'Agen & Perigueux, encores que par l'Edit de soixante dix-sept il y peut estre.

XXX.

Ny aura que deux lieux de Bailliage pour l'exercice de ladicte religion en tout le gouvernement de Picardie, comme il a esté dict cy dessus : Et ne pourront lesdicts deux lieux estre donnez dans le ressort du Bailliage & gouvernement reservez par les edicts faicts sur la reduction d'Amiens, Peronne, Abbeville : Pourra toutesfois ledict exercice estre fait ez maisons de siefs par tout ledit gouvernement de Picardie selon & ainsi qu'il est porté par l'edict de Nantes.

XXXI.

Ne sera fait aucun exercice de ladite religion en la ville & faux-bourgs de Sens, & ne sera ordonné qu'un lieu de Bailliage pour ledit exercice en tout le ressort du Bailliage, sans presudice toutefois de la prouision accordée pour les maisons de siefs, laquelle aura lieu selon l'edict de Nantes.

Ne pourront semblablement estre fait ledit exercice en la ville & faux bourgs de Nantes, & ne sera ordonné aucun lieu de Bailliage pour ledit exercice à trois lieues à la ronde de laditte ville. Pourra toutesfois estre fait és maisons de fiefs, suiuant iceluy edict de Nantes.

XXXIII.

Veut & entend ladiete Maiesté que sondict edict de Nantes soit obserue' dès à present en ce qui concerne l'exercice de ladiete religion és lieux ou par les Edicts ou accords faicts pour la reduction d'aucuns Princes, Seigneurs, Gentils-hommes, & villes Catholiques il estoit inhibé par prouision tant seulement, & iusques à ce qu'autrement fust ordonné. Et quant à ceux où ladite prohibition est limitée à certain temps, passé le temps elle n'aura plus de lieu.

XXXIII.

Sera baillé à ceux de ladite religion vn lieu pour la ville, preuosté, & vicomté de Paris, à cinq lieues pour le plus de laditte ville, auquel ils pourront faire exercice public d'icelle.

XXXV.

En tous lieux où l'exercice de laditte religion se fera publiquement, on pourra assembler le peuple, mesme à son de cloche, & faire tous actes & fonctions appartenans tant à l'exercice de ladiete religion, qu'aux reiglemens de la discipline, comme tenir Consistoires, Colloques, & Synodes, Prouinciaux & Nationnaux par la permission du Roy.

XXXVI.

Les Ministres, Anciens, & Diacres de laditte religion ne pourront estre contraincts de respondre en iustice en qualité de tesmoins pour les choses qui auront esté reuelees en leurs Consistoires lors qu'il s'agist de censures ecclesiastiques, sinon que ce feust pour choses concernantes la personne du roy, ou à la conseruation de son estat.

XXXVII.

Sera loisible a ceux de ladite religion, qui demeureront aux champs, d'aller a l'exercice d'icelle és villes, faux-bourgs, & autres lieux ou il sera publiquement estably.

Ne pourront ceux de la religion, tenir escolles publiques, sinon es villes & lieux où l'exercice publicq d'icelle leur est permis: Et les provisions qui leur ont cy deuant esté accordees pour l'erection & entretènement des Colleges seront verifiees ou besoin sera, & sortiront leur plain & entier effect.

xxxix.

Sera loisible aux peres faisans profession de ladicte religion de pouruoit à leurs enfans de tels educateurs que bon leur semblera, & en substituer vn ou plusieurs par testament, codicille, ou autre declaration passée par deuant Notaires, ou escrete & signee de leurs mains: demeurant les loix receues en ce Royaume, ordonnances, & costumes des lieux en leur force & vertu pout les donations & provisions de Tuteurs & Curateurs.

xl.

Pour le regard des mariages des Prestres & personnes religieuses qui ont esté cy deuant contractez, sadite Majesté ne veut ny n'entend pour plusieurs bonnes raisons & considerations qu'ils en soyent recherchez ne molestez, & sera sur ce imposé silence à les Procureurs Generaux & autres Officiers d'icelle. Declare neantmoins sadite Majesté qu'elle entend que les enfans yssus desdicts mariages pourront succeder seulement ez meubles, acquests, & conquests immeubles de leurs peres & meres, & au defaut desdits enfans les patens plus proches & habilles à succeder: Et les testaments, donations, & autres dispositions faites ou a faire par personnes de ladite qualité, des biés meubles, acquests, & conquests immeubles sont declarees bonnes & vallaables. Ne veut toutesfois sadite Majesté que lesdicts Religieux & Religieuses profez, puissent venir à aucune succession directe ny colaterale, ains seulement pourront prendre les biens qui leur ont esté ou seront laissez par testament, donations, ou autres dispositions: Excepté toutesfois ceux desdites successions directes & collaterales. Et quant à ceux qui auront fait profession auant l'age porté par les Ordonnances d'Orleans & Blois, sera suiuite & obseruee en ce qui regarde lesdictes successions, la teneur desdictes ordonnances cha-

cune pour le temps qu'elles ont eu lieu.

XLI.

Sa Maieſté ne veut auſſi que ceux de ladite religion qui auront cy deuant contracté ou contracteront cy apres mariage au tiers & quart degré en puiſſent eſtre moleſtez, ny la validité deſdicts contracts reuoequee en doubte, ny pareillement la ſucceſſion oſtee ny querellee aux enfans nais ou à naiſtre d'iceux: Et quant aux mariages qui pourroient eſtre jà contractez en ſecond degré, ou de ſecond au tiers entre ceux de ladite religion, ſe retirans deuers ſa Maieſté ceux qui ſeront de ceſte qualité, & auront contracté mariage en tel degré, leur ſeront baillees telles prouiſions qui leur ſeront neceſſaires afin qu'ils n'en ſoyent recherchez ny moleſtez, ny la ſucceſſion querellee ny debatue à leurs enfans.

XLII.

Pour juger de la validité des mariages faiſts & contractez par ceux de ladite religion, & decider ſ'ils ſont licites, ſi celuy d'icelle religion eſt differét, en ce cas le Iuge Royal cognoiſtra du faiſt dudit mariage: & ou il ſeroit demendeur, & le defendeur Catholique, la cognoiſſance en appartiendra à l'Official & Iuges Eccleſiaſtiques, & ſi les deux parties ſont de la religion, la cognoiſſance en appartiendra aux Iuges royaux: Voulant ſaditte Maieſté, que pour le regard deſdicts mariages & differents qui ſuruiendront pour iceux, les Iuges Eccleſiaſtiques & Royaux, enſemble les Chambres eſtablies par ſon Edict en cognoiſſent reſpectiuement.

XLIII.

Les donations & legats faiſts & a faire, ſoit par diſpoſition de derniere volonté, à cauſe de mort, ou entre viſs pour l'entreenemét des Miniſtres, Docteurs, Eſcoliers, & pauvres de ladite religion pretendue reformee, & autres cauſes pies, ſeront vallables & ſortiront leur plain & entier eſſect, nonobſtant tous iugemens, arreſts, & autres choſes à ce cōtraires, ſans preiudice toutesfois des droicts de ſa Maieſté & l'autrui, en cas que leſdicts legats & donations tombent en main morte: & pourront toutes actions & pourſuittes neceſſaires pour la iouyſſance deſdicts legats, cauſes pies, & autres droicts, tant en iugement, que dehors, eſtre faiſtes par Procu-

reur sous le nom du corps & communauté de ceux de l'Eglise, ou communauté de ladicte religion, qui y aura interest, & s'il se trouue qu'il ait esté cy deuant disposé desdictes donations & legats autrement qu'il n'est porté par le dit article, ne s'en pourra pretendre aucune restitution, que sur ce qui s'en trouuera encore en nature.

XLIII.

Permet sa Maïesté à ceux de ladicte Religion eux assembler par deuant le Iuge Royal, & par son autorité esgaler & leuer sur eux telle somme de deniers qu'il sera attribué estre necessaire pour estre employee pour les fraiz de leurs Sinodes, & entretenement de ceux qui ont charge pour l'exercice de leur dite religion, dont l'on baillera l'estat audict Iuge Royal pour iceluy garder, la coppie duquel estat sera enuoyé par ledict Iuge Royal de six en six mois à sadite Maïesté, ou a son Chancelier, & seront les taxes & impositions desdicts excoitres, nonobstant oppositions ou appellations quelconques.

XLV.

Les Ministres de ladicte Religion seront exempts des gardes & rondes, loger des gens de guerre, & autre assiette, & cueillette de taille, ensemble des tutelles & curatelles, & commissions pour la garde des biens saisis par autorité de iustice.

XLVI.

En cas que les Officiers de sa Majesté ne pouruoyent de lieux commodes pour les sepulchres de ceux de ladicte Religion dans le temps porté par l'Edit, après leur requisition, & qu'il soit vsé de longueur & remise pour ce regard, sera loisible à ceux de ladicte religion d'enterrer les morts dans les Cimetieres des Catholiques aux villes & lieux ou ils sont en possession de le faire, iusques a ce qu'il leur soit pourueu. Et quant aux pauvres les enterremens de ceux de ladicte Religion faicts par cy deuant aux Cimetieres desdits Catholiques en quelque lieu ou ville que ce soit, n'entéd sadite Majesté qu'il en soit fait aucune recherche, innouation & poursuite, & sera enioinct à ses Officiers d'y tenir la main. Pour le regard de la ville de Paris, outre les deux Cimetieres

que ceux de ladite religion y ont presentement, à sçavoir celuy de la Trinité & celuy de saint Germain, leur sera baillé vn troisieme lieu commode pour lesdictes sepultures aux faux bourgs S. Honoré ou S. Denis.

XLVII.

Les Presidens & Conseillers Catholiques qui serviront en la Chambre ordonnée au Parlement de Paris, seront choisis par sa Majesté sus le tableau des officiers dudit Parlement, & y seront employez personnaiges equitables, paisibles & moderez.

XLVIII.

Les Conseillers de ladite Religion pretendue reformee qui serviront en ladite Chambre assisteront si bon leur semble es procez qui se vuideront par Commissaires, & y auront voix deliberative, sans qu'il ayent part aux deniers consignez, sinon lors que par l'ordre & prerogative de leur reception ils y devront assister.

XLIX.

Le plus ancien President des Chambres my-parties presidera en l'audience, & en son absence le second, & se fera la distribution des procez par les deux Presidens, ou alternatiuement par mois ou par semaines.

L.

Aduenant vacation des officiers dont ceux de ladite religion sont ou seront pourueuz ausdictes Chambres, de l'Edict, y sera pourueu de personnes capables qui auront attestation du Synode ou Colloque dont ils seront, qu'ils sont de ladite Religion & gens de bien.

LI.

L'abolition accordée à ceux de ladite religion pretendue reformee par le lxxxiii. Article dudit Edict, aura lieu pour la prise de tous deniers Royaux, soit par ruptures de coffres, ou autrement, mesmes pour le regard de ceux qui se leuoient sur la riuere de Charante, encores qu'ils eussent esté affectez & assignez à des particuliers.

LII.

L'article quarante sixieme des Articles secrets faicts en l'annee mil cinq cens soixante dix-sept, touchant la ville & Archeuesché d'Auignon & Conté de Venisse, ensemble le traicté fait à Nismes seront obseruez selon

leur forme & teneur, & ne feront aucunes lettres de marque en vertu desdits articles & traictez donnees que par lettres patentes du Roy, scelees de son grand sceau. Pourront neantmoins ceux qui les voudront obtenir se pouruoir en vertu du present article, & sans autre commission par deuant les Iuges Royaux, lesquels informerront des contrauentions, deny de justice, & iniquité de jugement proposée par ceux qui desireront obtenir lesdites lettres, & les enuoyeront avec leurs aduis clos & scelez à sa Majesté, pour en estre ordonné comme elle verra estre à faire par raison.

LIII.

Sa Majesté accorde & veut que Maistre Nicolas Grimoult soit restably & maintenu au tiltre & possession des Offices de Lieutenant general ciuil ancien, & de Lieutenant general criminel au bailliage d'Alençon, nonobstant la resignation par luy faicte à Maistre Iean Marguerit, reception d'iceluy, & la prouision obtenue par Maistre Guillaume Bernard de l'office de Lieutenant general ciuil & criminel au siege d'Axms & les Arrests donnez contre ledit Marguerit resignateur, durant les troubles, au Conseil priué, ez années mil cinq cens quatre vingts six, quatre vingt sept, & quatre vingts huit, par lesquels Maistre Nicolas Barbier est maintenu ez droits & prerogatiues de Lieutenant general ancien audict Bailliage, & ledit Bernard audit office de Lieutenant à Axms, lesquels sa Majesté a casse & annulez, & tous autres à ce contraire. Et outre sadite Majesté pour certaines bonnes considerations, a accordé & ordonné que ledit Grimoult remboursera dedans trois mois ledit Barbier de la finance qu'il a fournie aux parties casuelles pour l'office de Lieutenant general ciuil & criminel en la Viconté d'Alençon, & de cinquante escus pour les frais, commettant à ceste fin le Bailly du Perche ou son Lieutenant à Mortaigne, & le remboursement fait, ou bien que ledit Barbier soit refusant ou dilayant de le receuoir, sadite majesté a defendu audict Barbier comme aussi audict Bernard apres la signification du present article de plus s'ingerer en l'exercice desdits offices à peine de crime de faux. Et enuoye iceluy Grimoult en la jouissance d'iceux offices & droits y appar-

tenant : Et en ce faisant les procez qui pendans estoient au Conseil priué de sa Majesté entre lesdits Grimoult, Barbier, & Bernard demeureront terminez & assoupis, defendant sadite Majesté aux Parlemens & a tous autres d'en prendre cognoissance, & ausdites parties d'en faire poursuite. Et outre sadite Majesté s'est chargée de rembourser ledit Bernard de mil escuz fournis aux parties castuelles pour iceluy office : & de soixante escuz pour le marc d'or & fraiz : Ayant pour cet effect presentement ordonné bonne & suffisante assignation de recouvrement laquelle se fera à la diligence & fraiz dudict Grimoult.

LIIII.

Sadite Majesté escriira à ses Ambassadeurs de faire instâce & poursuite pour tous ses sujets, mesmes ceux de ladicte Religion pretendue reformee à ce qu'ils ne soyent recherchez en leurs consciences ny subjects à l'inquisition, allans, venans, sejourrans, negotians, & trafiquans par tous les pays estrangers, aliez & confedererez de ceste Couronne, pourueu qu'ils n'offensent la police des pays ou il seront.

LV.

Tous ceux de ladicte Religion pretendue reformee qui sont demeurez titulaires des benefices seront tenus les resigner dans six mois, à personnes Catholiques : Et ceux qui ont promesses de pensions sur lesdits benefices en seront payez, & le payement desdites pensions continué, & seront ceux qui doiuent lesdites pensions contraincts leur payer les arrerages si aucuns y a, pourueu qu'ils ayent actuellement jouy des fruiets d'iceux benefices, excepté toutesfois les arrerages escheus durant les troubles.

LVI.

Ne veut sa majesté qu'il soit fait aucune recherche de la perception des impositions qui ont esté leuées à Royan en vertu du contract faict avec le Sieur de Cambley & autres faictes en continuation d'iceluy, validant & approuuant ledict contract pour le temps qu'il a eu lieu en son contenu iusqu'au huietiesme iour de may prochain.

LVII.

Les excez aduenus en la personne d'Armand Cour-

tines dans la ville de Millans en l'an M. D. LXXXVII. & de Jean Rames, & Pierre Singuret, ensemble les procédures faites contre-eux par les Consuls dudit Millans, demeurent abolies & assoupies par le benefice d'E-dit, sans qu'il soit loisible a leurs vesues & heritiers ny aux Procureurs generaux de sa Majesté, leurs substitués ou autres personnes quelconques d'en faire mention, recherche ny poursuite, nonobstant & sans auoir esgard à l'Arrest donné en la Chambre de Castres le dixiesme jour de Mars dernier, lequel demeurant nul & sans effect, ensemble toutes les informations & procédures faites de part & d'autre.

LVIII.

Toutes poursuites, procédures, Sentences, Jugemens, & Arrest donnez tant contre le feu Sieur de la Nouë, que contre le Sieur Odet de la Nouë son fils, depuis leurs detentions & prisons en Flandres, aduenüs au mois de May mil cinq cens quatre vingt. & de Nouembre mil cinq cens quatre vingts quatre, & pendant leur continuelle occupation au faict des guerres & seruice de sa Majesté, demeureront cassez & annullez, & tout ce qui en est ensuiui en consequence d'iceux : & seront lesdits de la Nouë receuz en leurs defenses, & remis en tel estat qu'ils estoient auparauant lesdits iugemens & arrests, sans qu'ils soyent tenus refonder les despens, ny consigner les amendes s'y aucunes ils auoient encourues, ny qu'on puisse alleguer contre eux aucune preemption d'instance ou prescription pendant ledict temps.

Faites par le Roy en son Conseil à Nantes le deuxiesme iour de May, mil cinq cens quatre vingt dix-huict.

fend

p

h

o

e8

—————
 —————
 —————